



• EDITORIAL • RÂL VÊNGTU • CHHÛNGKAW CHANCHIN

- » Missionary Rev. Dr. Alwyn Roberts a boral
- » Synfo Praise On 2018 (Beat Group Intihsiakna) nei dâwn
- » Synod Mission Board Statistics 2018

RNI 68092/83 Regn. No. N.E. 1024
 From
 Synod Literature & Publication Board
 Synod Office, Aizawl - 796 001
 Mizoram. Phone: 0389-2324590

SYNOD *Newsletter*

Volume XXXIII

No. 8

E-mail: synodnews@gmail.com

AUGUST, 2018

LÂWRKHAWM

RINGTHAR NEIH DÂN

Kumin 2018 January ațanga June thla thlenga Mission Field hrang hranga ringthar neih dân report dawn chin hetiang hi a ni:

Sl. No	Field	Total
1.	Arunachal East	108
2.	Arunachal North	93
3.	Arunachal West	69
4.	Assam	33
5.	Barak	245
6.	Delhi	37
7.	Jharkhand	213
8.	Karbi Anglong	16
9.	Home Mission North	47
10.	Home Mission South	52
11.	Kolkata	610
12.	Lucknow	178
13.	Nepal	54
14.	Odisha	66
15.	Patna	67
16.	Siliguri	132
17.	Tripura	913
18.	Masihi Sangati	981
TOTAL		3,914

Mission Field hi region thum – Central Region, North East Region leh Home Mission-ah te then an ni a, hêng bâkah hian Field puitling lo, hma lâkna lian tham zingah Masihi Sangati leh Cambodia te an awm a ni.

PI ZOSIAMI (MRS. MAIR EDWARDS) VUINAAH SYNOD HOTUTE

Pi Zosiami (Mair Edwards) chu July 1, 2018 zân dâr 10:30 khân Wrexham (Wales)-ah pneumonia leh lung natna (heart problem) avângin a thi a, July 12, 2018 (Ningani) khân vui niin. PCI Moderator (Mizoram Synod Senior ES ni baw) Rev. Lalramliana Pachuau leh kan Synod Moderator Rev. F. Lalrinnunga te PC Wales Gen. Assembly (July 9-11, 2018) hmanpuia kal mêkte chu Pi Zosiami vuinaah hian an tel. Pi Zosiami hi Mizorama Welsh Missionary Rev. Samuel Davies-a (1937 -1951) fanu a ni.

www.mizoramsynod.org

SYNOD MISSION BOARD

RAWNGBÂWLNA CHANCHIN TLÂNGPUI 2018

Kum 1953-ah Synod-in Synod Mission Committee a din a, chu Committee chu kum 1961-ah Board puitlingah a siam a. Synod Mission Board hna pui tura tihte chu – Krista hnêna mite hrui (Evangelism) te, Kohhran phun (Church Planting) te leh Kohhran enkawl (Pastoral Ministry) te a ni. SMB hian ringthar siam bâkah enkawl leh Chanchin Tha hril zêl tura buatsaihin, ‘mahnia intodelh, mahnia inrelbâwl leh mahnia Chanchin Tha hril thei kohhran phun’ tumin a bei thîn. Chumi hlawhtlin nân Kohhran leh Mission pâwl dang eng emaw zât a thawhpui baw.

SMB rawngbâwlna chu hetiang hi a ni:
 1. Central Region (Field pariat – Calcutta, Delhi, Jharkhand, Lucknow, Odisha, Patna, Siliguri leh Nepal te an awm). 2. North-East Region (Field pasarih – Assam, Aunachal ‘E’, Arunachal, ‘N’, Arunachal ‘W’, Barak, Karbi Anglong leh Tripura te an awm). 3. Home Mission (Field pahnih – HM ‘N’ leh HM ‘S’ an ni). 4. Masihi Sangati.

Central Region-a ringlote hmachhawna Chanchin Tha hrilh (direct evangelism) lama hma lâknaah hian camping, campaign, crusade, Bible-a thu thenkhat chhut chhâwna sem, in tlawh, pun khâwmna (rally) buatsaih leh naupang hui khâwm te hi hman tlânglâwn deuh te an ni a. A kawng kual zâwngna Chanchin Tha hrilh hna (indirect evangelism) lamah chuan damdawi lam (medical ministry) te.


Phek 2-naah zawm...

Mizorama Welsh Missionary

ALWYN ROBERTS (84)

CHATUAN CHAWLHNAAH A CHAWL TA

Mizorama Welsh Missionary Pu Robert-a (Rev Dr. Alwyn Roberts), kum 84 chu cancer natna avângin August 1, 2018 zing dâr 6:30 (IST) khân Bangor Hospital-ah a thi. Pu Robert-a vui inkhâwm hi August 13, 2018 (Thawhtanni) tlâi dâr 5:30 (IST)-ah a lawina Kohhran, Berea Newydd Chapel, Bangor-ah hman a ni a, hemi zawh hian thlânmuah (private burial) vui liam a ni.



Pu Robert-a hi Pastor fapa a ni a, Wales rama Llanrwst kua-ah August 26, 1933 a piang a ni. Lehkathiam chhuanawm tak a ni a, Cambridge University ațanga M.A. First Class a nih bâkah dân lam thiam (LL.B) a ni baw a, a thil zirna rêng rêngah Honours hmu veka tling chho a ni. Kum 1960 November thla khân Zoramah a lo chhuak a. Kohhran enkawl hna bâkah Aijal College (Pachhûnga Memorial College/PUC tih tâk zel)-ah Principal- hna kum sarh chhûng zet a thawk a. A taimain a thawhpuiten an fak hle. Lekhhabu tha tak tak Sâp ram leh a thianteho ațangin a chah khâwm a, Library changtlung tak, India hmârchhaka hriat hlawh tham a din hman a ni.

Zoram buai țan tirh lai (1966) khân Zosâp zinga mipa awm chhun a ni a. Buai zual lai khân Aizawl khawlaiah mitthi ruang hlâwmin ama hovin an thian fai a. A tlâwmgaihia hre Chiangtute chuan a chanchin hi hahîpin an la sawi reng a ni. Dân hre mi a ni baw a, a huaisen hle, sipai laka mipui thawvanna tûrin nasa takin a bei a, silaia an lo tin pawhin an silai hmâwr a nawr kiang a, a tih tûr a thulh ngai lo. Rambuai kum khân Synod Moderator a ni a, Biak In luahtu sipaite pawh a um darh hlawm a ni.

May 20, 1967 khân an chhûngkuain Zoram an chhuahsan a. UK-ah pawh Pu Robert-a hian hna pawimawh tak tak a chelh zui a BBC Board of Governors-ah member, BBC (Wales) Chairman leh Mental Health Commissioner nihna te a chelh kawp a ni. A thianu Pi Robert-i (Mair Powlands Roberts) kha an rama zirtirtu hna thawk thîn a ni a, Zoramah an awm chhûng khân Pi Teii Sikulah a thawk ve thîn. Tin, an fapa neih chhun Zosânga (Hywel Glyn) pawh dân hre mi (Lawyer) a ni baw.

SYNOD Newsletter

EDITORIAL STAFF

Rev. Dr. C. Chawngmingliana
Rev. PC Pachhûnga
Upa H. Ronghâka
Rev. R. Laldinthara

Editorial

SAP ƧAWNG HI KAN UAR LUTUK EM?

Khawvêl changkânain a ken ni maw, Mizo Ƨawng hman theihna rengah hian Sâp Ƨawng hi kan han hmang thlazen mai Ƨin a. Hetianga kan hman hian inthiam lohna emaw ti sual inthina emaw pawh kan nei lêm lo ni ta hialin a lang. Hmanraw hman Ƨhan chu a hnûm hlarh mai a, hman pawh a nuam. Hmanraw hman khât erawh chu a bo êm loh pawhin a tuiêk emaw a mawih emaw a, hman tlâk lohvin a awm leh mai Ƨin.

Mizo Ƨawng pawh hi a hman theihna apiangah hian hmang ila, a bo mai lo anga, a hnûm hlarh mai ang a, hman pawh a nuam tial tial ang. Ƨhang lo thar zêlah hian hei hi kan mamawh. Mizo Ƨawng kan hman uar loh chuan kan Ƨawng hi a bo hret hret ang. Chaw fûn aiah *tiffin* kan pai a, chawchhûn ei lovin *lunch* kan ei a, zanriah ei lovin *dinner* kan ei ta chu a nih tâk hi! Bual inah inbual lovin *bath room*-ah kan inbual a, chaw ei dawhkânah chaw ei lovin *dining table*-ah chaw kan ei a, mut pindanah mu lovin *bed room*-ah kan mu ta daih bawk a.

Committee hming kan phuah dânah te, hmun leh in hming kan phuah dânah te pawh hian Kohhran lam pawhin inen lêtina tûr kan nei ve ngei ang. Synod Damdawiin aiah *Synod Hospital*, Chhanchhuahna In aiah *Rescue Home*, Kum Upate inkawm hlimna hmun aiah *Old Age Day Care*, Khual chhâwn Committee aiah *Reception Committee*, Ei leh in Committee aiah *Refreshment Committee*, Ram leh in Committee aiah *Trust Committee* etc (a dang sawi tûr pawh a la tam mai) tih kan hmang te hi a dik lo êm êm phei chu a ni lo. Mahse, Mizo Ƨawng dah theih hi chu Mizo Ƨawngin dah zêl ta ila chuan mipui mimir tân pawh hriat chu a nuam zâwk ngei ang.

Hetiang thil hrang hrang han thlîr hian Sap Ƨawng hi kan hmang uar ta lutuk em tih hi ngaihtuah tham tak a ni ta.

Phek 1-na zawm...

puan Ƨui zirna te, Kristian film chhuah leh *non-formal school* (Sap Ƨawng zirna te, Bible râlhchân te leh ziak leh chhiar zirna te) te hi hman a ni thung. Hêngte hi Pathianin mal a sâwm nasa êm êm a; ringthar hmuh nân bâkah, ringtharte sawhngheh nân te a Ƨangkai hle.

Hindu firfiakhoten India ram hi Hindu lalrama siam an tumna boruakah hian nasa taka harsatna tawh sawi tûr chu awm lo mah se, tûn hma anga ualau taka thil tih remchâng lo a awm thung. Hindu tamna State a ni hlawm a, Kristian duh lohna hi chak takin a kal reng a. An inkhâwm lai tihbuai te, thawktute vau te leh harsatna siamsak te hriat tûr a awm zauh zauh. Fellowship eng emaw zâtin inkhâwmna tûr an la neih loh avângin thingbuk hnuai leh mi veranda-a inkhâwm tâwkte pawh an la awm.

Chuti chung chuan Pathian zârah ringtu an pung zêl a. Ringtharte hi hnam hnuaihngung leh khawsaknaah pawh a chênbeh lam an ni tlângpui a; hmun Ƨhenkhat erawh chuan thiamna leh khawsakna lama mi pangngai tak takte pawh an awm ve bawk. Mission dange aia Mizoram Synod Mission danglamna hi miten an hre Chiang tial tial a, a hre Chiangte chuan SMB enkawl nih an duh deuh zêl a ni.

North East Region chhûnga SMB rawngbâwlna hmunte hi Mizoram Ƨenawm State-te a ni a. Mizote nêna inhne hnai an nih avângin boruak mawi lo leh duhawm lêm lo thleng Ƨin te pawh hre Ƨhintute an ni. Heti chung hian Pathian malsâwmna azârah rawngbâwlna kawng a inhawng hle tho mai. Ringthar an pung a, Kohhrante pawh an Ƨhang chak hle. Ringlote hmachhawna Chanchin Ƨha hrilh (direct evangelism) lama hma lâkna te, sikul rawngbâwlna te, damdawi lam rawngbâwlna te leh kut themthiamna lam rawngbâwlna te a Ƨang tlâng Ƨha hle a ni.

Karbi Anglong Mission chu kum 2015-ah Synod puitlinga hlân niin, Manipur Mission Field pawh kum 2017-ah Synod puitling a lo ni ta bawk. Tripura Mission Field chu April 2, 2017 khân Provisional Synod-ah hlân a lo ni leh a, tûnah hian Synod puitlinga siam tum mêk a ni bawk.

Hêngte hian kum eng emaw zât kal ta

aƧanga Mizoram Synod rawngbâwlna hlawhtlinzia a lanfîr. Hmabâk erawh chu a la Ƨahnem viau va; rawngbâwl zêl pawh phûrawm tak a ni.

Home Mission-ah hian, Pâng, Bâwm, Chakma leh Bru zînga rawngbâwlna kalpui a ni a. Chhim lamah hian Pâng leh Bâwm zînga rawngbâwlna a hlawhtling hle a, tûnah chuan Kristian an ni deuh vek ta. Bru zînga rawngbâwlna pawh hi a hlawhtling thawkhat tih a lanna chu kohhran mi nghet, kohhran ban rinawm leh Pathian tâna Ƨahnemngai tak mi eng emaw zât an awm a ni.

Chakma zînga rawngbâwlna pawhin zawi zawiin hma a sâwn ve zêl. Kristian an pun zêl avângin an sakhaw hruiatuten an mite Kristian an nih loh nân kawng hrang hrangin hma an la nasa ve hle a. Kristian nih chu hnam phatsanna ang hialin an zirtîr a, chuti chung pawhin ringthar an awm zêl. Mizoram chhûnga chêng an nih avânga hnam leh hnam inkâr boruak lo awm Ƨhinte hian rawngbâwl a tihharsat deuh châng erawh chu a awm. Chakma Convention leh Bru Convention buatsaih Ƨin a ni ta hi rawngbâwlnaah a Ƨangkai hle.

Masihi Sangati hi Field puitling 17 (Mizoramah 2 leh Mizoram pâwnah 15) bâka SMB hma lâkna pui tham tak a ni. Mizoram chhûnga hnam dang awmte lo bitumin theih tâwpin, Evangelist leh Gospel Team ten ringthar siam leh enkawl hna an thawk a. Mi thiam leh mi khawsa thei deuh bitum tûrin Vai Changkang Team an awm bawk. He rawngbâwlna tlâwm tak leh remchâng tak hi Pathianin mal a sâwm nasa êm êm a, ringthar neih tamna ber pâwl a ni mêk.

Ram pâwn (Foreign) lamah Cambodia, Wales leh Bolivia-ah te SMB missionary eng emaw zat an bung mêk a. Ram pâwn lama missionary-te hian hlâwk tak leh entawn tlâk takin an awmhmun Ƨeuhvah rawng an bawl mêk a ni.

Pathianin Kohhranhote thilpêk leh Ƨawng-Ƨaina te, thawktute inpêkna leh thawhrîmna te mal a sâwm a, Mizoram Synod Ramthar rawngbâwlna hi khawvêl huap pawha rawngbâwlna chanchin duhawm ber pawl a tling a ni.

SYNOD-IN CHHAWMDÂWLNA PE

Tûn hnaia harsatna hrang hrang neite hnênah Synod Relief Fund aƧangin chhawmdâwlna hetiang hian pêk an ni.

S.No	Khua	Pêk chhan	Chhûngkaw zât	Chhawmdâwlna pêk zât
1.	Mêlriat	Kângmei tuar	2	Rs. 12,000/-
2.	Falkâwn Hmârvêng	Kângmei tuar	1	Rs. 10,000/-
3.	Hunthar	Leimin tuar	1	Rs. 10,000/-
4.	Chhûngte	Leimin tuar	1	Rs. 10,000/-
5.	Ƨawizo	Leimin tuar	1	Rs. 10,000/-
6.	Ƨawizo	Damlo	1	Rs. 8,000/-
7.	Dârlawng	Damlo	1	Rs. 8,000/-
	TOTAL			Rs. 68,000/-

Râl Vêngtu

Mite chu Râl Vêngtu hnênah an lo kal a. "Râl Vêngtu, i titi khawchâng kanrawn ngaithla dâwn," an ti a. Râl Vêngtu chuan, "Lo lêng mawlh teh u. Eng lam titi nge kan han vawrh ang le?" a ti a. Mite chuan, "I duh lam hawi hawi a ni mai alâwm," an ti a.

Râl Vêngtu chuan, "Mit lâwng aiin Enlenna (microscope) hmanga thil en hian thil hi zuk lang Chiang zawk tlat ia!" a ti a. Mite chuan, "Râl Vêngtu, chu chu thudik awmsa, keini ngiang pawhin kan hriatsa vek alâwm. Tûnlai thu thar deuh leh beng verh deuh te pawh han phawrh la maw le," an ti a. Râl Vêngtu chuan, "In hriat tawhsa reng hi alâwm in hriat loh chu. Hei hi thil mak tak a ni rêng asin," tiin a chhâng a. Mite chuan, "Chuti a nih chuan hriat fuh loh deuh kan nei a va ni mai âwm êm, min han hriih Chiang law law la," an ti a.

Râl Vêngtu chuan, "Tûnlaia whatsapp a video lar tak pakhat-to tenawmzia kha in thlir ve châwk ang a. Mit lâwng chuan tho tuite hi a hmuh theih hauh loh. Enlenna hmanga han en erawh chuan tho tui lai te, a ke-in bawh hlawh tam tak a kentel te kha hmuh hrehawm khawpin Chiang takin kan hmuh theih kha," a ti a. Mite chuan, "Chu zawng chu maw?" an ti a.

Râl Vêngtu chuan, "Ni nang le. Kha khân thlarau lam thuchah ropui tak a keng tel alâwm. Thlarau lam mit vâv tha mang hlei lo hian thlarau lam thil hmu fiah bera inngai in tam ta lutuk. Thil in hmuh fiah loh avâng hian in buai in buai hi. In che hleka, in ti sual pheng phung zêl chu a nih hi. Thil ho tê tê a in buai leh vak thîn hi in thlarau lam khawmuh a fiah tâwk loh vâng a nih hi. 'Lalpan a ti' ti a huai tak taka thu sawi in bawh hum hum a. Chutiang mi, bum fin theih loh khawpa ngawng in tam ta lutuk. Dâwt leh thutak pawh in thliar hrang hlei thei ta lo. Thlarau lam enlenna (Lal Isua) in hman loh chuan thil in hmu fiah thei ngai lo vang. Isua âtang chuan engkim hi saruak leh inhawngsa vek a ni a, engkim a hmuh fiah theih."

"Thlarau lam enlenna hmangtu Petera te chuan an bula awm ve rengte hmuh ve theih loh kha fiah takin an hmu a. Saphiri leh Annania te hlep rûk leh Pathian thinurna an tawng buak tûr thu te pawh an hmu tlang vek a nih kha," a ti a. Mite chuan, "Aw! Râl Vêngtu titi khawchâng ngaihlak hi chu a manhla thîn teh e. Kêl phung tap chim hmu ang maiin kanrawn pan leh tlut tlut dâwn che a nih hi," ti chungin an haw leh ta dam dam a.

SYNOD HOSPITAL, DURTLÂNG JUNE, 2018 CHHÛNGA THILPÊK DAWNTE

I. CHARITY FUND

1. Bûngtlâng Bial	Rs 5,000/-
2. Keitum Bial	Rs 10,000/-
3. Laichhuangsanga te Unau, Vênghlui	Rs 1,000/-
4. KÏP, Nisapui Bial	Rs 3,000/-
5. Khawhâi 'S' Kohhran Pavalai Pâwl	Rs 3,000/-
6. Pu Lalthangkûnga te chhûngkua, ITI Vêngchhak	Rs 2,500/-
7. KÏP, Champai Bethel Bial	Rs 10,000/-
8. Pu J. Lalhmachhuana te nupa, Mission Vêng	Rs 5,000/-
9. Lêngpui Bial Kohhran Hmeichhia	Rs 10,000/-
10. West Phailêng Kohhran Hmeichhia	Rs 5,000/-
11. Maubâwk West Kohhran Hmeichhia	Rs 15,000/-
12. Hliappui Bial	Rs 5,000/-
13. Zonuam Bial Kohhran Hmeichhia	Rs 5,000/-
14. Guwahati Bial Kohhran Hmeichhia	Rs 5,000/-
15. Lungdai Kohhran	Rs 1,000/-
16. Zohmun Bial Kohhran Hmeichhia	Rs 5,000/-
17. Sihphîr Vêngpui Isua Krista Kohhran	Rs 5,000/-
18. Pu Lalsânglura, Durtlâng Mêl - 5	Rs 1,000/-
19. Pu Labiakliana, Kolasib Diakkâwn	Rs 2,000/-
20. Sumsuih Bial Kohhran Hmeichhia	Rs 3,000/-
21. Zuangtui Bial Kohhran Hmeichhia	Rs 10,000/-
22. R. Lalnuthari, Chhinga Vêng	Rs 2,500/-
23. Pu C. Lianchhûma, Leitan 'S', Durtlâng	Rs 5,000/-
24. South Sabual Kohhran Pavalai Pâwl	Rs 1,000/-
25. Mission Vêng Bial Kohhran Hmeichhia	Rs 10,890/-
26. New Sêrchhip North Kohhran Ramthar Committee	Rs 2,000/-
27. Chhiahtlâng Kâwn Vêng Bial Kohhran Hmeichhia	Rs 870/-
28. Sairang Dinthar Kohhran Hmeichhia	Rs 16,980/-
29. Bûngtlâng Bial Kohhran Hmeichhia	Rs 2,500/-
30. KÏP, Chhingchhip Bial	Rs 5,000/-
31. Pu C. Vânlalliana, Sakawrtuichhûn	Rs 1,500/-
32. Lungdai Hmar Vêng Kohhran	Rs 5,000/-

II. THISEN PETE

1. PYD, Dinthar Bial, Aizawl	38 Units
2. KÏP, Bâwngkâwn Bial	27 Units
3. Durtlâng Higher Secondary School	24 Units

PEK ZÂT

38 Units
27 Units
24 Units

III. GRACE HOME TÂN

1. Pu Lalthangkûnga te chhûngkua	Rs 2,500/-
2. KÏP, Sialhâwk Bial	Rs 5,000/-
3. N.E. Khawdungsei Bial Kohhran Hmeichhia	Rs 5,000/-
4. Zonuam Kohhran Hmeichhia, Aizawl	Rs 10,000/-
5. Zonuam Bial Kohhran Hmeichhia, Aizawl	Rs 15,000/-
6. Aizawl Vênglai Kohhran Hmeichhia	Mut bu thahnem tak. Khum pakhat
7. Lallianzuala, Cardiff, Wales	

IV. THIL DANG PETE

1. KÏP, Dâwpui Branch	K Ward tân Water Cooler 1
2. YMA, Vênghlui Branch	Golden Jubilee lawmna pualin damlote tân ei tûr min pe. Chapela hman tûr Kristian Hlabu lei nân Rs. 250/- Hmunphiah 100
3. Abraham Lalrinnunga	S/o C. Vânghâka, Kâwnpui Dinthar
4. Sumsuih Bial Kohhran Hmeichhia	Pu Ramlana (L) nupui leh a fate, Zonuam, Aizawl
5. Pu Ramlana (L) nupui leh a fate,	Medical Ward tân Water Filter
6. Pu John Lalneihsiana, Durtlâng	Laboratory tân Roche Electrolyte Analyser 9180 pakhat (1) (Rs 1,67,560/- man)
7. Zuangtui Bial Kohhran Hmeichhia	Mitthi tuamna Puan 30
8. Kanghmun Upa Pawl Unit	Hmunphiah 5

V. PAWISA DAWN ZAWNG ZAWNG -

1) Rs	1,64,740/-
2) Rs	37,500/-
3) Rs.	250/-
Total	Rs 2,02,490/-

Khawngaihna leh duhsaknaa thilpêk min petute zawng zawng hnênah Lalpa Isua Krista hmingin lâwmthu kan sawi tak meuh meuh a ni. Heng in thilpêk kan dawnte hian dam lo awm man harsate thlamuang takin a awmtir a, Hospital mamawh tam tak min phuhûksak baw a ni.

Sd/-

(REV. R. RAMDINMAWIA)

Chaplain, Synod Hospital, Durtlâng.

SYNFO PRAISE ON 2018 BUATSIAH DAWN

Synod Information & Publicity Department (Synfo) chuan Synfo Praise On 2018 a buatsaih leh dâwn a, Kristian Thalai Pâwl (KÏP) Branch emaw Bial emaw aiawh tûr Beat Group intihsiakna tûr a ni ang.

A kalphung hetiang hian an duang -

a) Tel dân tûr: 1) Kristian Thalai Pâwl (KÏP) Branch emaw Bial emaw aiawh Beat Group 2 aia tam lo an tel thei ang. 2) Beat Group pakhat-ah member 6 aia tam lo an awm thei ang. 3) A tel tûrte chu KÏP Member, Kohhran dân chhûnga awm, rawngbâwna hman chhunzawm theih tûr ni se.

b) Round awm dân tûr: Round 3 a awm dâwn a, Round 1-ah hian Group tinin minute 10 aia rei lo hun an nei ang a; hei hian instruments siam rem chhûng leh an zai zawh thleng a huam ang.

c) Instruments: Tingtàng (Guitars), Keyboard leh Drums te chhawp sa a ni dâwn a. Guitar leh Keyboard hi mahni ta hmang duh tân a hman theih baw ang.

d) A hun leh hmun :


1) Hming pèk luh hun hnuhnung : September 7, 2018 thleng.

2) First Round : September 18-21, 2018 (Chhùn lam)

Second Round : October 16-19, 2018

Final Round : November 6-9, 2018

e) A hmun: First Round hi Synfo Studio-a neih tûra ruahman a ni a. A bâk hi chu la ngaihtuah leh tûra dah a ni.





SYNOD MISSION BOARD STATISTICS 2018

HRIHPAW KOHHRAN chuan May 21 - June 8, 2018 chhông khân Damna Changtute Team, Speaker Pu C. Lalfamkima ruaiin Chhandamna Camping chhâwng thum leh Naupang Lâng Camp vawikhat an buatsaih a. Hetah hian campers 300 zet lûtin Kohhran pâwl dang pawh an lût bawk a. Salvation Army phei chuan an Biak In khâr meuhin he camp hi an telpui a. Tihdam rawngbâwlna thlarau leh tisa lamah changin Kohhran an hlimin an lâwm hle a ni.

SAWMNA

UMPLING MIZO PRESBYTERIAN KOHHRAN, SHILLONG chuan ni 15 September, 2018 dâr 11:00AM hian an Biak In thar an hawng dawn a. He hun hmanpui tûr hian he Kohhrana lo lawi tawh zawng zawngte tel tûrin an sâwm a. Sâwmna hranpa siam a nih loh avângin hei hi sâwmnaa lo pawm sak tûrin an ngên a ni.

CHAMPHAI KANAN KOHHRAN chuan ni 15-21 October, 2018 chhông hian an Kohhran Centenary an lâwm dawn a. Chhôngte Kohhran hming a put lai aţang tawha he Kohhrana lo lawi tawh zawng zawngte Centenary hmanpui tûr hian an sâwm a. Sâwmna hranpa an siam loh avângin hei hi sâwmnaa ngai tûrin an ngên nghâl bawk.

CHAMPHAI VÊNGLAI KOHHRAN chuan ni 22.9.2018 (Inrinni) ah Biak In thar hawn an tum a. He hun hmanpui tûr hian Champhai Vênglai Kohhrana lo lawi tawh zawng zawngte leh Bialtu Pastor leh Pro. Pastor lo ni tawh zawng zawngte an sâwm a ni.

PATHIAN BIAK INKHÂWM HRUAINA BU 2018

Pathian Biak Inkhâwm Hruaina Bu 2018 chu a chhuak thar leh ta a. Minister, Pastor, Pro Pastor, Active Upa leh Kohhran Copy tûr pakhat nên Synod Office, Mamawh Lamna aţangin a lak theih e.

Kei erawh chuan kan Lalpa Isua Krista kraws lo chu ka chhuan loh tûrzaia mai chu, chu mi zârah chuan khawvêl hi ka tân khenbehin a awm ta, kei pawh khawvêl tân khenbehin ka awm a ni.

(Galatia 16:4)

Sl No.	Hmun	Hawn kum	Missionary				Thawktu dang				Total	Ringthar Jan-Jun'18	Craft Centre	Medical Centre	School		
			Perma-nent	Contract	F/S & A/S Pastor (Mizo)	Sub Total	FW Pastor	Pro. Pastor	Field Worker	Sub Total					High School	Middle School	Primary School
1.	Arunachal 'E'	1991	32	58	2	92	4		61	65	157	108	1	4	2		2
2.	Arunachal 'N'	2016	14	38	4	56	3	2	34	39	95	93		5	1		
3.	Arunachal 'W'	2001	25	42	4	71	1		43	44	115	69	1	3	1	2	
4.	Assam	2008	34	50	4	88			26	26	114	33		5	1		
5.	Barak	1975	76	120	7	203	2	2	149	153	356	245	4	20	4	2	2
6.	Delhi	1988	4	16	3	23			13	13	36	37	1	3			
7.	Home Mission North	1949	83	109		192					192	47		11	2	3	6
8.	Home Mission South	1987	39	214		253			7	7	260	52	1	16	2	6	9
9.	Jharkhand	2008	1	38	6	45	2		94	96	141	213	1	6			1
10.	Karbi Anglong	1989	49	57	8	114	1	1	78	80	194	16	1	8	3	3	1
11.	Kolkata	1988	2	35	6	43			114	114	157	610	4	2			
12.	Lucknow	1999	4	37	7	48			39	39	87	178		2			
13.	Nepal	2000	9	34	8	51	1	3	42	46	97	54	2	13			
14.	Odisha	2016	3	17	2	22				0	22	66		3			
15.	Patna	1999	4	42	5	51			23	23	74	67	1	5			
16.	Siliguri	1988	11	24	5	40	1		26	27	67	132	3	4			
17.	Tripura	1986	70	66	12	148	5	2	85	92	240	913	3	11	2	4	
FIELD PUILLING LO, HMA LAKNA LIAN																	
1.	Masih Sangati	1979	11	169	7	187				0	187	981					
2.	Cambodia	2010	3		1	4				0	4						
A DANGTE																	
1.	Mission dang/P'ship		16	15	4	35				0	35			4			
2.	Trainees									0	0						
a) CTE			6	2		8				0	8						
b) DIET				2		2				0	2						
TOTAL			496	1185	95	1776	20	10	834	864	2640	3,914	23	125	18	20	21
Hqrs. Office			17	1		19					19						
Bawngkawn (PBHS & MSK)			11			11					11						
Missionary Training College			9	9		18					18						
MDTC (Bualpui)			7	4		11					11						
Ramthar Hostel			1			1					1						
G. TOTAL			541	1199	95	1836	20	10	834		2700						

RAM RORÊLTU KAN THLAN HUN CHUAN



- Ram rorêlna hian mi tin min nghawng avângin, politics aţanga râl bân ngawt theih a ni lo va; vote thlâk hi mi tin mawhpurhna a ni.
- Ringtute hian politics kan ngaihsak loh va, rorêltu atân mi ţa kan thlan loh chuan mi ţa lote rorêlna hnuai a kûn mai hi kan hmabâk a ni.
- Ram hruaitu atân chuan mi ţa ngei thlan chhuah kan tum tûr a ni.
- Party ruih chilh hi kan bânsan a ţûl. Party ruih chilhtu chuan mi ţa leh ţa lo pawh a thliar hrang thei lo va; chutiangah chuan rorêlna ţa a awm thei lo.
- Sawrkar ţa leh rinawm nei tûrin a thlangtu mipui kan rinawm a pawimawh. Mipui kan rinawm tlat chuan sawrkâr pawh a rinawm ang.
- Mi mal leh chhôngkaw hamţatna aiin ram hmasâwnna dah hmasak tûr a ni. Ramin hma a sâwn chuan chhông tinin a zâr kan zo ang.
- Ram rorêlna ţa chuan rualkhai takin mipui a chawi sâng a; rorêlna ţa lo erawh chuan mipuiah inthliarna leh inthlauhna a thlen thîn.
- Candidate-te that dân inang tlângah chuan an awmna party leh CM atâna an hma thehte thlîr tel a ţa.
- Mi mal hlutna leh zahawmna suma hralh lo tûrin i invêng ţeuh ang u.
- Party-a kan rinawmna aiin Kohhrana kan rinawmna a sâng zâwk tûr a ni. Party pawî sawi aiin Pathian pawî sawi a hlauhawm zâwk.

Synod Social Front